

Nowodhow an Seythen

21/10/08

Deg bledhen poran yw an seythen ma a-ban veu ledhys Lyn Bryant war An Ros.

An vamm-wynn veu pychys teyrgweyth yn bownder gosel ha hi ow kerdhes gans hy hi.

Byttegyns, wosa deg bledhen a hwithra an kas, hwath nyns yw charjyes denvyth.

**

Tri ugens lytherva a wra degea an seythen ma.

An degeansow ma veu gwrys gans an governans may hallo selwel arhans.

Pesya re wrug... kynth esa kaskyrgh bras rag aga gwitha.

**

Towlen re beu lanchys an seythen ma rag may hallo bos kovnotyes ha gwithys, pub gwedhen hen yn Kernow.

Loveday Jenkin yw ordenores an dowlen.

Hi re gewsis gans Nowodhow an Seythen...

<clip>

**

Lowender Peran re solempnyas y dhegves pennblodh warn ugens.

Ha rag gorra goos nowyth y'n kessedhek restr... dew lewydh nowyth re beu dewisys.

Jowdy Davey hag Andrew Morris a wra gweres Gerald ha Peggy Morris, Merv hag Alison Davey, ha Pat ha Dave Crewes.

Lowen yns derivas bos an gool synsys arta yn Ostell Ponsmeur nessa bledhen drefen gwerthans an ostell re wrug fyllel awos an crunch kresys.

Yma moy a-dro dhe'n gool der Radyo an Gernewegva an bennseythen ma.

Agas gweles nessa seythen.